

Pilipi

Paulo Eje Pilipi Edo Enjerop Okoralukkoi Wane Bakom Kitolukke

¹ Paulo so Timoti, Yesu Kristo wane qelit neitkine.

Neto Anutu wane nei njerep Pilipi matko Kristo Yesurop wenenj qeturage magu weku gemami, so doku tau tau magu njetnekopene so qesi qesinjkopene njinane kibi iwa qe njibonmaite.

² Anutu Magaze so Waom Yesu Kristonjo wet menanj so peam njine njiboniake.

³ Na naso banjem njinane wetkewe paki, Anutune bakomine kito okanmaile. ⁴ So naso banjem na njinane qesinjuniakane korop mejenka okanmaile, yemo na wet peserop bakom kito mejenka okanmaile. ⁵ Na njinane wet pese zok detmaile, onoka wane, njine mikepka kaiwe weku eao narop qesinjane more, don maine miti urata, ea ma sari mageu mo ukude okanmaike. ⁶ Eso na ea wane iwa yale detlukmaile, Anutu eje urata maine iwa njinano kieke makenjo takotke ma ari mageki, Kristo Yesu lotkeake kaiwe naso eao urata qoeake. ⁷ Njine naso banjem qomnjunbe nanjane kotonon gemami! Eso ea waneka na njinane detpe menangi, yaleoken wetke okanmaile. Njine koropjo narop wenenj urata wane mapik nanmami, eamo Anutunjo wet maepinane mosop ra ninge, ea makoi, mulap urumgo metmaile, naso iwao so yaup gekole, naso yewao

na binjek don qesiŋ kakole so togoleka ra qe-
laŋanmaile. ⁸ Anutuŋo detki, na don welekatne
ramaile. Na ramaile naŋane wetneŋo ŋinane zok
manerop pamaike, yemo korop Kristo Yesu eŋine
kotino ŋine sarimaike, paki na ŋunikalane zok
nanmaike.

⁹ Na ŋinane meŋenka okanmaile, yemo iwa
yale, ŋinane wet maepŋo takotke more manerop
sua leule okaniake, so wet dereret wele so dere
wesakmaine, ea weneŋ koto ŋino sua payake.

¹⁰ Paki ŋine baŋ eweke more tanik manik kine
kine mayakakatne ea kaulukke more makei. Mau
paki, ŋine baŋ Kristo lotkeake, Kaiwe Naso yewao
korop koto ŋine libe libe qelaŋan gorop so sot
midaine koboine okane gekei. ¹¹ ŋinane gege ŋine
yemo baŋ mainane wele mayatkatne, ea Yesu
Kristo eŋineka maine ma leuleki morian wakongi,
ea wane ŋei ŋerep kau, Anutu wano qeli ewe
zonom kau paki bakom kito okanikei.

Yesu Wane Ra More Gekene

¹² Kimakopne, iwa yale desikei, masi tanik
naŋane solano wakonge, eaŋo welekatne peam
don leŋ kayakane mida, eaŋo qesiŋka more don
maine ea maki sua ariake, so togole pawayakane.

¹³ Kine iwa yale, Sisa, Roma kepe ea wane ware
ware suainane urum kotino kawali ŋei eŋane
ware ware, so ŋei natne korop iwa eŋe mo
detmami, na iwa mulap urumgo metmaile, eamo
onoka wane mida, na Kristo Yesu wane qelit ŋei
okangole, ea wane. ¹⁴ Eso na mulap urumgo
metmaile, eaŋo yemo kimakopze natne korop
zonom manerop ebongi Waom malip kamami,

paki eņe naso banem togole more kaet midaine Anutu wane don ea ra qelanjnmmami.

¹⁵ Welekatne, ęei natneņo onbi, ęei edo na eņet suaine ninmmami, paki eņe ea wane det worik okane more neu maket biranangei, kine ea wane eņe Kristo wane miti don ea ramami, ęo ęei natne edo yemo wet dereretene maine paki miti don ramami. ¹⁶ ęei ea eņe mo detmmami, na iwa mulap urumgo metmaile, yemo don maine iwa ma togolekalane Anutuņo urata ra ninge, ea wane eņe wet maep okannanbi paki, peam me wet maep don ra wakonmmami. ¹⁷ ęei natne eņe yemo Kristo mi detlukka more, eņe enęene eņet biņek mawa maņkei, so eņe takotke more, Yesu wane don weneņ ra okanmmami, eņe dereretene koboboine maine paki mi ra okanmmami, mida, eņe masi eamo naņane ra more koso umatne takotke mulap urumgo metpe ninmmami.

Paulo Eņe Gege Wane So Seu Seu Wane Weneņ Okankake

¹⁸ Eaņo mi borimaike! Na wet pese detmaile, yemo masi kine kine loutne, masi qotkoino ęine me masi maine ęine eņe Kristo wane don yaleka weneņ ra wakon okanmmami, eso na ea wane takotke baņ wet pese manerop desikale. ¹⁹ Na koso wet pese detkale, onoka wane mida, na mo detmaile ęinane meņe meņen so Waomņo qesiņ naniakane qesi qesiņ Asu Koboboine Yesu Kristo wano ęine meņenkau birakaki sarimaike, eaņo qesiņnangi na baņ qeka maka midaine ululuņ gekale. ²⁰ Na detluk kamaile, so wetneņo teba kamaile, yemo na uratane makalane mane mi

pelekkale, me gamu mane mi makale. Siluŋ naso baŋem so naso iwao naŋano baŋ togole togoleŋo watke payake. Paki na solane so kotone weneŋ korop tebakawe, Kristo wane bakom mawa mawa baŋ, na wisika gekaleo me seukkaleo, naso yewao.wakoniake. ²¹ Gege eamo onokaka? Kristoŋo gegene okanmaike, ŋo seukkale eanjo yemo kine kine lewine suaine manerop gege togon waraŋkaki sari niniake. ²² Ŋo na wisika kepeo gekaleo, yemo ŋei eŋano qesiŋone urata mawe wele loutne wakonmaike, ŋo siluŋ na numa daleo okanikale, yemo mi detmaile. ²³ Na nat so nat eretnaret malip nanmamik, na gege iwa qeligewe paki, Kristorop gekalane zok manerop nanmaike, eanjo yemo manerop kine kine weku mane okanmaike. ²⁴ Ŋo siluŋ na ŋinane ra more wisika gemaile, yewaŋo yemo zok manerop wele, okanmaike. ²⁵ Na uratane ŋine qesiŋ ŋunikalane ŋinano pamaike, ea yemo mo dere malipka lukmaile, yale. wane na mo detmaile, na baŋ ŋinerop ge more qesiŋ ŋunbe mali malipŋine togoleki, oi bakom kitokei. ²⁶ Eso na ŋinano koso manerop u gewe, ŋine naŋane batne manerop okanbi paki, gegene Kristo Yesu wano motpi paki, bakomine kito mawaka okankakei.

Paŋ Aito Qeturage Okorau Paki Wetŋo Kawali Qekei

²⁷ Iwa yemo kine kine wele, ea wane ŋine gege ŋine koboine, Kristo wane miti don maine ea mogare, eanjo ramaike, ea wane rokopko geulukkei, paki na ŋinano eweke more sari ŋunikale, me mi sari ŋunikaleo, yemo na don

kisiñineka ban detpe, ñine togogle more wet weku motpi paki okorakei, so kawali orodon dereret weku motpi paki qekei, yale okanbi, ñei ñerep mali malipñine miti don mainane motpi payake ²⁸ Pakimo, na ban ñinane iwa yale det ñunikale, eñe kimakopeene edo okanonbi, ban kaet maine mi okanikei, ño ñabakopñine eñe ñunbi, ñido kaet midaine okanbi, kau paki eñe iwa yale desikei, “Ñene ban pelekkena!” Ño ñine yemo Waom Anutu oñom qesiñ ñungi, eñine zonomgo ban kito togole okarakei. ²⁹ So ñine iwa yale detpi, Anutuño ñine masi maine okanñunge, yemo Kristo wane qelitine qe more, detlukka malipkakei waneka midakaka, ñine eñane eñet biñek wane ra more wikile wenen desikeiwane rakokñunge. ³⁰ Sogine ñine nanbi, na kawali ea qekole, na kawali yewao gekole, so kawali weku eaka na iwa qewe, ñine mo detmami, so ñine wikile ea detmami, yemo iwa yale, ñine mo nanano takotkeu, ñene narop qeturage weku okane more, kawali wenen qekene.

2

Wet Weku Ge More Mauluk Mauluk Okan-nagukene

¹ Ñine Kristoño gegenine so wet dereretñine mo maki togolemami mane? Me eñe ñinane simile dere more maki, wet pese so wet menañ gorop gemami me? Ñine Asu wenen kima okanka more eñane gege wane kotino waketluke

gemami me? Njine wetņinenjo kimakopņine qo-tone more ņidomka qom borik det nagu okan-mami me? ² Eso yalewa yemo ņine masi tanik mayakatne okanikei, ņine yemo wet dereretņine wekuka magekei, so numa tanikņine weku moga-reluke, kima natne eņane weneņ simin ņuniake, paki wet wekuka gekei, ea yemo nanane wet pese so oi bakom manerop wakoniake ³ Njine ņinņinaneka misuk wetkekei, me wetņine suaine wawaine okangei wane misuk desikei, ņine siluņ kimakopņine eņerop wetņine ma ket more ketkele gekei, ņinņine mo mayakatne, ņo ņei kimakopņine natne yemo qotkoine, wet dereret yaline mane misuk desikei. ⁴ Njine ņinņine yeye kine kine bonep eaka misuk warekakei, ņei kimakopņine natne eņane yeye kine kineene ea weneņ warekakei, so qesiņonbi geulukkei.

Yesuņo Numa Gesoke Njebonge Eaka Gesokkene

⁵ Njine wet dereretņine wekuka magekei, yemo Kristo Yesuņo wet dereret mageke, eaka magekei,

⁶ Eņe naso baņem qeli kotino Anutu wane kine so tanik manik ea mageke, ņo eņe siluņ gegeine ea mi ma walukke so Anutu maine yuan kayakane mi wetkeke. ⁷ Ea okaniakane, turuņine yemo eņe eņine wet bonepinane ea korop qeliņka wareke, pakiso eņe ņei yauwine yale okangi paki, qelit medep yauwine okange, eņe ņei yale okange, so eņe ņei kait toqa ma more kepeo wakonge. ⁸ Eņe ketkele geki paki, ņei yauwine yaline aņa tewe tewek wane numa gesoke, Anutu wane don mogare ari

mage ea wane seukke, enjine seu seuine eamo kibenj qabenj kutno qeu seukke. ⁹ Kine ea wane Anutuño enj ma wie more zok manerop weti qeliwo birakake, paki enjet kakapa suaine mange, eanjo enjet natne korop yuanka waremaike. ¹⁰ Eso ea wane ewine kito more enjet Yesu orake, yeye kine kine gege enerop korop, qeli kotino anjelo, so kepe kutno nej magu, so qei kepe bano seukoi edo gemami, enj banj korop wawetene qeu paki umi kesikei, so enjane bango so enjane deinoka pa wareake. ¹¹ So enj banj korop anjane suaineka anjane raikoi, Yesu Kristo enj Waom, so enj Anutu Magak ora mawaka more maine enjet binjek suaine manikei.

Kepeo Nei Enjane Keuo Kiwa Yale Qelanjangene

¹² Eso, kima maepkopne, na njinerop gekole, naso eao njine naso banjem anjane teweke gekoi, ea wane rokopka ukude naso iwao na biranjune ari kiroine gewe, njine anjane teweke gekoi, yale waka gekei, eanjo manerop wele okanmaike. Waom enj mo njibuke, ea wane njine takotke more mapi mapik njinane wele marat kakeiwane, kaet so zonom ore ore wenenj urata togoleka mau paki, wele marat kakei. ¹³ Onoka wane, Anutu enj naso banjem njinane koto njino urata ma okanmaike, njine ma eweknjungi, ewekeu paki anjane teweke enjine simile mogare urata makei wane.

¹⁴ Njine yeye kine kine makei, eamo bororomgo qeu paki, njaba qepok so busu don so anjane soranjine midaine qeu paki makei. ¹⁵ Yale okanbi paki, njine

maine sot midaine so wet qelaᅇan gorop; libe qotqole, Anutu wane ᅇerep medep koboboine yale okane more, borikine kepeo so ᅇei boriki-neerop eᅇane keuo gekei, so Waom wane don togogole gegeinerop ea magekei paki, ᅇine eᅇane keueno serekin edo qeliwo lawe qelaᅇaneneᅇo motpi qagagae pamaike, yale ᅇinane qelaᅇanᅇo eᅇane keueno lawe qelaᅇane payake. ¹⁶ᅇine gege wane don maine ea malipkau paki, eaka dere okanikei. ᅇine yale okangeiwo, yemo na kinerop ea wane rawe paki, Kristo lotkeake, naso yewao na ᅇinane baᅇ detpe wayake, onoka wane, eaᅇo baᅇ sikan ᅇoniake, yemo naᅇane zonom so urata makole, ea wele midaine mi okange.

¹⁷ᅇinane mali malipᅇine yemo Anutu wane wet pese so soe soep okanmaike ᅇo naᅇane eᅇe na yale waka detmaile, na weᅇemne ᅇinane mali malipᅇine togoleakane ra more qakkale, eᅇe Anutu wane wet pesek so soe soep okaniake, na ea wane yemo zok manerop wet pese so oi bakom suaine ᅇinerop weneᅇ okanikale. ¹⁸Rokop yalewaka ᅇine wet pese desikei, so narop weneᅇ qeturage batne okanikene.

Timoti Wane Don

¹⁹Na Waom Yesu detluk kamaillane, oᅇo detki, na baᅇ eweke more Timoti talekawe imdaka ᅇinanano uyake, paki na maine ᅇinane don kisi ea detpe, qomne menageake so eaᅇo matogole naniake. ²⁰Eᅇe wekuᅇo narop wet amanagu-maite, so ᅇei maneneᅇo Timoti yale eamo mida, so eᅇe welekatne numa daleo maratka more ᅇine mapik ᅇuniakane ᅇinane wetine suaine wetke

gemaiké. ²¹ Nèi natné yémó èjé ènjéne yeyé kine kineeneka don urata so dereret urata ma okanmami, ñó èjé yémó Yesu Kristo wané urata ma more, eanjo sua ariakane don me dereret urata ma simileine manerop detmaiké. ²² So ñine ñidom Timoti gegeinane kine mo detmami, èjé so na ñere mame gipon yale okane don maine so binjek don wané rate paki, urata qeturage ñetsarek ma okanmaite. ²³ Eso na naewo kine kine qeingeiki, dale me dale wakoniake, ea banj detlukewe paki, èjé talekawe esatka ñinano uyakane wetkemaile. ²⁴ So na Waom detluk kamaile, wané onjom detnangi, eweke more mi azonji, na nonjom ñinano sarikale, yale detmaile.

Epaproditus Wane Don

²⁵ So na mane wetkewe maine okanmaiké, yémó kimaze Epaproditus, koso mainge birakawe ñinano uyake, èjé nanjane wazano urata wenenj mayakatné mamaiké, so kawali wenenj qeyakane, so èjé ñinane qelit qe more urata mapik naniake, ra more ñidom talekau nanjano sariké. ²⁶ Èjé ñinane korop dere qeka okane more ñuniakane zok kamaiké, so ñine enjane dere qeka okanikei wané èjé qomine zok umaremaiké, yémó onoka wané, èjé zoma kaki ñine don kisiine mo detkoi, ea wané. ²⁷ Welekatné èjé momomde zomakake, paki èjé seukeakane rokop okange, ñó Anutuño yémó enjane qom borik make, so enjaneka mi make, midaka, èjé nanjane qom borik wenenj make, paki qom borik suaine, ñó nanjane kutnoka wa more mi ki pelek naniakane wetkeke. ²⁸ Ea wané na ñinano

talekawē uyakane zok nanmaike, u lotkeki ŋine eŋe kau paki, wetŋine manerop baŋ peseake, eso nanane dere qeka eamo baŋ mida leleake. ²⁹ Ea wane u lotkeki, ŋine korop wetŋine peseki, Waom wane rau paki, kima okankakei, ŋei suaine eŋe yale korop eŋane ewe kito kito okanikei. ³⁰ Onoka wane, eŋe Kristo wane urata wane raki paki, gegeine qikka more seukeakane okange, ŋine ŋidomka maine mi qesiŋnane makoi, ŋine eŋe urata mangoi, ea wane eŋe qesiŋnaniake ra, yale okange, so eŋe eŋinane ra more yale mi okange, ea wane eŋe koso zoma qepapka more urataine naso iwao weneŋ mamaike.

3

Koboboine Ea Wele

¹ Kimakopne, don qoiqoine iwa yale rawe goekep, Waomŋo ŋine wet menaŋ manerop ŋibongi, wet pese desikei. Don alakan qekole, eaka esenake koso qe ŋibonikalane mi detpe qekamaike, eso eaŋo ŋine maine kito qesiŋ okan ŋuniake. ² So ŋine diam seleleine maikei, ŋei borikine kasi zubaine yale, eŋe miti urata matali matali ŋei, eŋe ŋenane ramami, ŋene korop solaze kitare more, Israel eŋane rokop okanikenane. ³ Ea welekatne ŋene mo sola kita kitat mane makone, eamo Kristo Yesu mali malipko sola kita kitat wele, yewa makone, onoka wane ŋene Anutu eŋine Asuineŋo oi bakom kito meŋenka okanmaine, so gegezeŋo Kristo Yesu wano makatake okanmaine. Nene mali malipze solao mi motŋem pa okanmaike. Yewa ŋedo

Kristo wane takotke more sola kita kitat wele enetne mali malip ea magemaine. ⁴ Na kine kine yaline ea malip kawe ra, yemo maine okanbe rap, ŋo ŋei natne eje solaoken maine malipkakei wane wetkekeiwo, yemo nonjo eamo kinerop ea wane solaoken numa yale oken manerop wetkekale. ⁵ Na solane kitatkoi, yemo wakone pawe, sodane weku so kaiwe karewe okangiso, kitatkoi, na Israel ŋei enano ŋine wakongole, paki, na rara togon wane numa ea mo modat lukkole, na Benyamin wane tego ŋine, na Hebru ŋei enane wenem, tutule, so naga magane ere yaleka. Na Yuda rara togon numa, ea ware kakolane na Parisi enane tego gekole. ⁶ So na sorin borin okane, Waom wane urata makalane detkole, yalinane na doku tau tau magu ŋabaone more matali qetali ebukole. Ŋei maneno na rara togon don wane numa mogatkole, ea wanoke desiakeo, yemo na sot midaine rara togon don wane numa ea mogasiakeno, ene ŋei.wele. ⁷ Namo rele, na sola wane numa ea mogat kakole, yemo na ŋei natne maine yuan onikale, ŋo silun yeye kine kine ea korop na maine dapotpe wele okange, wane iwa yemo Kristo wane rawe paki detpe, wele midaine okanmaike. ⁸ Yeye kine kine ea waneka mida, na Kristo Yesu wane detpe Waomne okanmaike, enane rawe paki, yeye kine kine korop kepe wane abon ea qelin warekole, na ea yemo korop detpe sino gotkoine okanwareke, wane Kristonjoka weku maine malilipka gekale. ⁹ So enerop wenen qeturage gemaile, na nonjomka rara togon don numa teweke more, koboboine gege ea wane mi nanmaike. Na iwa yemo Kristo

detlukka more mali malip wane ra more ñei koboboine gege ea wane nanmaike, koboboine sot midaine gege, ea yemo Anutu wano ñine sari okanmaike, so ea yemo mali malip wane kutno kito pa okanmaike. ¹⁰ Na Kristo weku detluk kakalane nanmaike, so eñine seu seu ñine wie wieinane zomine nanano wakongi, eñe wikile detke, ea na weneñ desikale, so eñe yale okane seu seuino seukkale. Na eñane wikileo takotke-maile, na Yesu Kristo detlukka more malip kamaile. ¹¹ Na yale okane tebaka ari magewe, seu seuoñine bañ ma wirik nangi, wisikaekale.

Dagoino Ñine Biririke Ari Lotkekene

¹² Na mo biririk mage dagop qoi qoino lotke mo yuangole, me mo menangole, na yale mi ramaile, na tako rakotka biririke ari maile, yuane more gege togon lewine maikalane, ño ea wane ra more, Kristo Yesuño yemo mo neu malip nange. ¹³ Kimakopne, welekatne, na dago qoi qoine ea mo yuangole yale mi wetkemaile, kine kine weku na okanmaile, ea yemo kine kine ñadeno pamaike, gege soginane aboñ ea yemo ñadek kamaile, eso qomnoken gege musele pamaike, ea marat kakalane, yemo kauluke biririkmaile. ¹⁴ Eso na dago qoi qoino pokup okoramaike, yewaokenka koboine togogoleka biririke arimaile, yemo yuane more lewine makalane, ea yemo Anutuño Kristo Yesu wane raki paki gege weti qeliwo pamaike, ea wa marat kakalane raki paki nora tebanange.

¹⁵ Nene korop sua warekoneño dereretze ea motñem, ñei dereret yale bile so wekumaneka

payake, kine kine weku ea waneka ka mogare gekene, ŋo natne ŋine wet mane ŋei isisine eŋane isisiwo ari more wetkekeiwo, yemo Anutuŋo baŋ wetŋine ma qelaŋaŋi detlukkei. ¹⁶ Ŋo numa so tanik manik weku gesoke sarikone, so makone, iwa gemaine, numa weku eaka mogare gesoke arikene.

Nene Qeli Mat Ea Wane Weleine

¹⁷ Kimakopne, ŋine korop naŋane numa so tanik manik ea takotke mogare arikei, ŋene numa so tanik manik wele ea sikan ŋungone, wane ŋei natne eŋe numa ea mogare gemami, ea one more eŋe mogatone arikei. ¹⁸ Na don iwa yemo atak loutne mo alakanka ŋidangole, so iwa yewaka esenake koso ŋidanbe, dene dokune weneŋ ketmaike, ŋei loutneŋo Kristo eŋe kibego seukke so wisikae wieke, ea wane ŋabaine okanmami. ¹⁹ Ŋei yewa eŋe arimage, gegeene sora gerepko ezoki qoeake, onoka wane, eŋe solae-nane simileŋo anutuene okanmaike, eŋe kine kine gamuinerop ea wane batne zok okanmami, so eŋe wet dereretene yemo motpi, iwa kepe wane aboŋ, ea waneka zok manerop pamaike. ²⁰ Nene, yemo qeli mat wane biŋek so weleine, so ŋei ŋerep magukoune, eso ea wane ŋene Mapi Mapikze Waom Yesu Kristo qeliwo ŋine sariakane batneka toma kamaine. ²¹ Eso eŋe baŋ eŋine zonomŋo maingeki, solaze pelekakatne iwa umat kine kine ariake paki, ebuki eŋine solaine qelaŋaŋ wagi waginerop yale okangei, pakimo zonom yewaŋoka qesiŋkaki, yeye kine kine korop

kepe so qeli kotino maki enjine bango sari wareu ware oniakane.

4

Paulo Kima Qesinj Koune Enjane Don

¹ Ea wane nae kimakopne, njine Suaine njinano kitoluke okorakei, na njinane detpe wetne zok pesemaiké, so na njunikalane nanmaiké. So na njinane dere wa kitip zok okanmaile, njine yemo kine kine natne leweene wawaine yale gemami, mo nojom makalane urataine togogleka makole, na njinane wet pese so bakom manerop okanmaile.

² Euodia so Sintike, njire detpik, njire magu natne enjerop njerep wele, ea wane, njire wetnjitne weku Waom wano motpik paki okorakeik wane na njitanmaile. ³ So urata nej kimane, ge yaleka, njerep etke ea erane golatmaile, ge qesinj osiké-nane nanmaiké, ere narop binjek don maine ra qe-lanjanikenane urata togogle makoik. Ere so Klemen so nanjane uratanej kima kopne natne, enjane enjetene Anutu wane gege togon buk suaino pamaiké.

Ra Ewek Don

⁴ Njine naso banem gegenjinejo Waom wane batne okanikei, na koso manerop rawe, njine batne okanikei.

⁵ Njine nej korop bororom okanonbi, enj njinane kine me urata maine so tanik manik ea kaulukke, detlukeu, Waom enj mo sarimaiké. ⁶ Njine kine kine natnane ea wane dere mezet misuk okanikei, no meje mejenjinejo yemo korop Anutu kine kine mane wane njanaeu paki, ra

umatɲine ea maine mawakone olasikei, naso banɲem wet ɲjino bakom kito kitoɲo watke paki, eɲe meɲenkau qesiɲ ɲuniake. ⁷ Peam so qom menan wane zok manerop Anutuɲo kine kine bile ɲebon okanmaike, ea wane kepe ɲei ɲene ea wane kine maine mi dere qelaɲangene, ea wane mo Anutu oɲom ɲibuki eɲine qom menan koto waket luke geulukkei, so Yesu Kristorop weku okorau paki, wet dereretɲine mayakatne pa togoleake.

⁸ Kimakopne, na don mane koso takotke ɲidanbe, ɲine don wet dereretɲino kine kine maine so ewe kito kitoinerop eaɲo qewatkekei, kine kine wele pamaike, kine kine maine, kine kine koboboine, kine kine libe libe qelaɲanerop, kine kine similerop, so kine kine eweinerop. ⁹ Naɲano ɲine don detkoi so makoi, don mo rawe detkoi, so okanbe kakoi, yewa okane ma okane gekei, eso Anutu peam ɲebon okanmaike, oɲo ban ɲinerop geake.

Pilipi Edo Paulo Kine Kine More Mangoi Eawane Bakom Kitoke

¹⁰ Na gegeneɲo Waom wano paki wet pesek kakapa suaine, yemo ɲido qomne ma wie more qesiɲnanbi, ea wane detmaile! ɲine naso kiroine ge sari mage ɲadino naɲane koso manerop wetkemami. ɲine naɲane niget ɲungi qeliɲ nangoi, yale mi ramaile, ɲine naɲane mo wetkekoi, i welekatne, ɲo numa wane qekakoi. ¹¹ So na ramaile, iwa yemo sola wane qesiɲ ea wane ɲaɲaewe paki mi ramaile, onoka wane na kine kine iwa pa ninmaike, ea mo rokopno so eamo

maine done midaine magekene, ea wane kine mo detkole. ¹² Na abonj midaine gege, so abonj gorop gege ea mo mayakatne na tikjane gekale, ea mo detmaile. Na iwa wane kine sane mo detkole, wane naso natno yewao mo detmaile, newe njatne qemaikao me njarawane seukmaileo, riwe morian gorop gege me bodirop gege, ea wane zok mi raikene. ¹³ Na yeye kine kine korop maine okan warekalane zonom paninmaike yemo Kristonjo zonom mo korop nin waremaike, na maine ma warekale.

¹⁴ No na silunj iwa yale rawe, njado na kine kine okane bakom kitomaile, na wet boriko wikile dere gewe njine nanjane wikile ea wenenj qesinj nane detkoi wane, detpe menanjmaike. ¹⁵ So Pilipi matko njine nej njerep njine njidom kine mo detlukmami. Na alakan kiekoe Anutu wane miti don maine ea ra qelanjankalane Masedonia kepe qelige arikole, naso yewao doku tau tau magu natnejo na wesi kine kine wane qesi qesinj mi okan nangoi, weku njidoka qesinj nangoi, so narop wet ama nagu qema nagu okan nagukone. ¹⁶ Na Tesalonaika matko gekole, naso eao na zonom zuagewe, njine naso natneo qesinj nangoi, eso koso njado qesinjnanbi paki motpi nanjano sarikoe. ¹⁷ Na njinano njine sola qesinj kine kine njido ninikei wane rawe paki, mi ramaile, mida, na miti njinane wele takotke wakone sua ariakane, so yale waka pa wayakane nanmaike, njine yalewa geu, banj Waom onjom mauluk njuniakoe. ¹⁸ Iwa yemo nanjane kine kine korop more ningoi, ea wane kibiine iwa motmaile, eso eamo mo rokop kemaikoe! Epaproditusjo njinano njine sola qe-

siŋ kine kine korop ma sari ninwareke. Na n̄aŋaekole, eamo iwa korop ma sari ninwareke. N̄ine kine kine iwa korop na okan nangoi, yemo bakom me soe soep qoune simile teine Anutu okan kakoi, yale okanmaike, Anutuŋo bakom me soe soep yaline kaki, maine okangi mayake. ¹⁹ So n̄aŋane Anutu eŋe morianine kakapa suaine Kristo Yesu wano pamaikenjo baŋ kine kine zuangei, ea korop more ŋiboniake. ²⁰ N̄enane Anutu so Magaze, eŋano ea qeli ewe zonom papa togon tako rakot pa ariake, weleka.

Don Qoi Qoine

²¹ Na Anutu wane ŋei ŋerep magu korop Kristo Yesu wane biŋek gemami, na ŋinane kaiwe maine ramaile, kimakopne narop weneŋ iwa gemaine, eŋe ŋinane kaiwe maine ra ŋidanmami. ²² Anutu wane ŋei ŋerep korop iwa eŋe yaleka ŋine kaiwe maine ra ŋidanmami. Natne Emperor Siza wane matko urata mamami, edo weneŋ kaiwe maine ra ŋidanmami.

²³ Eso maine Waom Yesu Kristo wane dan gunutŋo ŋinane asuŋinerop korop bonep bonep pawareake.

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963